

## Төтенше жағдайды жою басшысының өкілеттіктері туралы ережені бекіту туралы

### *Күшін жойған*

Қазақстан Республикасы Үкіметінің 2003 жылғы 17 қаңтардағы N 51 Қаулысы.  
Күші жойылды - Қазақстан Республикасы Үкіметінің 2011 жылғы 3 мамырдағы № 478 Қаулысымен

**Ескерту. Күші жойылды - ҚР Үкіметінің 2011.05.03 № 478 Қаулысымен.**

**Ескерту. Тақырыбына өзгеріс енгізілді - ҚР Үкіметінің 2004.11.05. N 1156 қаулысымен.**

"Авариялық құтқару қызметі және құтқарушылардың мәртебесі туралы" Қазақстан Республикасының 1997 жылғы 27 наурыздағы Заңына сәйкес және төтенше жағдайларды жою кезінде авариялық-құтқару қызметтерінің күштері мен құралдарын тиімді пайдалануды қамтамасыз ету мақсатында Қазақстан Республикасының Үкіметі қаулы етеді:

1. Қоса беріліп отырған Төтенше жағдайдың кең ауқымда және аймақтық ауқымда таралуы кезінде төтенше жағдайды жою басшысының өкілеттіктері туралы ереже бекітілсін.

2. Осы қаулы қол қойылған күнінен бастап күшіне енеді.

*Қазақстан Республикасының*

*Премьер-Министрі*

Қазақстан Республикасы Үкіметінің  
2003 жылғы 17 қаңтардағы  
N 51 қаулысымен  
бекітілген

## Төтенше жағдайды жою басшысының өкілеттіктері туралы ереже

Осы Ереже табиғи және техногендік сипаттағы төтенше жағдайды жою басшысының өкілеттігін айқындайды.

**Ескерту. Тақырыбына және кіріспеге өзгеріс енгізілді - ҚР Үкіметінің 2004.11.05. N 1156 қаулысымен.**

1. Төтенше жағдайды жою басшысы:  
төтенше жағдай аймағында барлау жүргізуді және жағдайды бағалауды ұйымдастырады, қолда бар күштер мен құралдарды пайдалана отырып, адамдарды құтқаруды ұйымдастырады;  
авариялық-құтқару жұмыстарын жүргізу үшін неғұрлым қауіпті телімдерді,

күштер мен құралдардың қажетті санын, құтқару жұмыстарын жүргізудің әдістері мен тәсілдерін айқындайды;

авариялық-құтқару жұмыстарын төтенше жағдайлардың алдын алу және оларды жою жоспарына сәйкес жүргізуді ұйымдастырады; <\*>

төтенше жағдайлар аймағындағы объектілер мен ұйымдардың аумағында құтқару және шұғыл жұмыстар жүргізу туралы шешім қабылдайды;

авариялық-құтқару қызметтері мен құрамаларына міндеттер қоюды жүзеге асырады, олардың өзара іс-қимылын ұйымдастырады, олардың қауіпсіздігін және қойылған міндеттердің орындалуын қамтамасыз етеді;

төтенше жағдай аймағындағы жағдайдың өзгеруін бақылауды жүзеге асырады және тиісті шешімдер қабылдайды;

қажеттілік шамасына қарай қосымша күштер мен құралдар шақыртады, оларды қарсы алуды ұйымдастырады, авариялық-құтқару жұмыстарын жүргізу орнын (ауданын) айқындайды;

күштер мен құралдардың резервін құруды ұйымдастырады, ауысыммен жұмыс істеу тәртібін айқындайды;

төтенше жағдайдың кең ауқымда және аймақтық ауқымда таралуы кезінде Қазақстан Республикасының Үкіметіне, табиғи және техногендік сипаттағы төтенше жағдайлар саласындағы уәкілетті органына төтенше жағдайлар аймағында қалыптасқан жағдай және авариялық-құтқару және басқа да шұғыл жұмыстарды ұйымдастыру мен жүргізу жөнінде олардың қабылдаған шешімдері туралы хабарлайды;

күштер мен құралдардың төтенше жағдай орнынан кету тәртібін айқындайды.

Аса қажет болған (адамдардың өмірі мен денсаулығына тікелей қауіп төнген) жағдайда төтенше жағдайдың кең ауқымда және аймақтық ауқымда таралуы кезінде төтенше жағдайды жою басшысы:

төтенше жағдай аймағына адамдар мен көліктің кіруін шектейді;

төтенше жағдай аймағындағы ұйымдардың қызметін тоқтата тұрады;

авариялық-құтқару жұмыстарын жүргізуге авариялық-құтқару қызметтерінің күштері мен құралдарын, азаматтық қорғаныс құрамаларын, сондай-ақ ерікті авариялық-құтқару құрамаларын және көрсетілген құрамалардың құрамына кірмейтін құтқарушыларды, оларда құтқару және шұғыл жұмыстарын жүргізуге олардың аттестатталғандығын растайтын құжаттары болған кезде тартады;

шұғыл жұмыстарды жүргізуге ерікті негізде халықты, сондай-ақ құтқарушы болып табылмайтын жекелеген азаматтарды олардың келісімімен құтқару жұмыстарын жүргізуге тартады;

төтенше жағдайлар аймағында көшіру іс-шараларын жүргізуді ұйымдастырады;

төтенше жағдайларды жою үшін төтенше жағдайлар аймағындағы ұйымдардың материалдық ресурстар резервтерін босатады ;  
қолданыстағы заңнамаға сәйкес кейіннен шығыстардың орнын толтыра отырып, ұйымдардың байланыс құралдарын, көлік құралдарын және өзге де м ү л к і н т а р т а д ы ;

аса қажет болған жағдайда тиісті мемлекеттік органдарға, ұйымдардың басшыларына олар қабылдаған шешімдер туралы шұғыл хабарлау жөнінде ш а р а л а р қ а б ы л д а й д ы ;

төтенше жағдайлардың өршуіне әрі құтқару және шұғыл жұмыстардың барысына негізделген басқа да қажетті шараларды қабылдайды.

**Ескерту. 1-тармаққа өзгерту енгізілді - ҚР Үкіметінің 2004.11.05 N 1156 ; 2008.11.18 N 1068 Қаулыларымен.**

2. Егер Қазақстан Республикасының заңнамасында өзгеше көзделмесе, төтенше жағдайды жоюға бағытталған төтенше жағдайды жою басшысының шешімі төтенше жағдайлар аймағындағы барлық лауазымды адамдар, азаматтар мен ұйымдар үшін міндетті болып табылады. <\*>

**Ескерту. 2-тармаққа өзгеріс енгізілді - ҚР Үкіметінің 2004.11.05. N 1156 қаулысымен.**

3. Төтенше жағдайды жою басшысының өкілеттігі Қазақстан Республикасының Үкіметі табиғи және техногендік сипаттағы төтенше жағдайларды жою туралы жариялағаннан кейін тоқтатылады. <\*>

**Ескерту. 3-тармаққа өзгеріс енгізілді - ҚР Үкіметінің 2004.11.05. N 1156 қаулысымен.**